

Тәрә хуралгъиг кӧдлмшин 10 хонгин эргцд хувадж хуралгъна прогрессивн аргъар кегъад, буудя белдлгънә зураг болзгасн урд кӱцәхмн

Ставропольск крайин селәнә эдл-ахун цуг кӧдләчнрүр кесн
Курск района колхозникудин, совхозмудин болн РТС-н кӧдләчнрин
селәнә-эдл ахун специалистнрин
Д У У Д В Р

Үнтә үүрмүд!

Бидн, колхозникуд болн колхознице, колхозмудин, совхозмудин болн РТС-н кӧдлмшнр болн кӧдлмшч кӱүкд улс, селәнә эдл-ахун специалистнр, КПСС-н XX-ч хургин тууджлгч шиидврмүдиг кӱцәхин төлә ноолданд эн джилд тәрәнә сән гидж ургъц ургъавдн.

Бидн 59.357 гектар буудян культур, тер тоод намрин тәрәнә 45 мингъгн гектар цагъан буудян культур хурах зӧвтәвдн.

Буудян эдл-аху — цуг селәнә эдл-ахун производствин улн болдгинь медәд, колхозин болн совхозин производствин цуг аныгсин болн тӱрүн болдж олна малин тӱргн бӧдлт буудян эдл-ахун бӧслтлә залгъл-датагынь медәд, колхозникуд болн совхозин кӧдләчнр буудян культур тәрлгнләрн зерглүлдж, эрдни-шишән тәрәнә газрин агъугъан нидн джилинәс 15,5 мингъгн гектар газр икәр тәрвдн.

Малин хотин үнтә эн культурин әлвг ургъц ургъахин төлә ода кинән кевәр асрдж, хәләвр кегддж йовна.

Селәнә эдл-ахун хамгин даалгъврта цаг — тәрәнә ургъц хуралгън ирдж йовна. Геелт әс гаргъхин төлә тәрәнә ургъцан ахр болзгт, мел ховадж хуралгъна аргъар хуранавдн.

Ода района колхозмудар болн совхозмудар тәрәнә болврт хәләвр бӱрдәгдәд, тәрәнә ургъц хуралгънд кергтә тоот цуг белдвр төгсджәнә.

Тәрә хуралгъна цагт эрдни-шишә хәләддж асрлгъан болн олна малд хот белдлгъән зогсахшвдн.

Селәнә эдл-ахуг темдгтәгъәр бӧдлүлхин болн советск олт-әмтнә бәәдл-джиргълиг бӧдлүлхин туск Коммунистическ партин болн Советск правительствин бдр болгъни килмджин хәрүд бидн, Курск района колхозникуд болн колхознице, совхозмудин болн РТС-н кӧд-

ләчнр, селәнә эдл-ахун специалистнр, бий деерән ииь даалгъвр авчанавдн:

буудян культуриг кӧдлмшин арвн хонгин эргцд, геелт угагъар хурадн авх. Лафетн жатк болгънар суткдан багъ гихдән 30 гектар хадх, баал цугълулдж цоклгънд йовх «С-6» болн «РСМ-8» гидж комбайн болгънд 20 гектар хурах;

колхоз болн совхоз болгън буудя белдлгънә госу- дарственн зураг болзгасн урд, июлин 25-д нӱцәдн, давулдж кӱцәх;

намрин тәрәнә газрин цуг агъуд кӱрх сән чинртә буудян әк белдх, олна малд хот гидж гуйр-буудя әрки кергтә тоогъарн белдәд, колхозникудин кӱч-кӧлснә бдрт буудя ӧглгъ теткх;

тәрә хадлгъ дахулгъ соломинь хамдж скирдлгъиг болн хурагдсн газр семллгъиг бӱрдәддж, тәрәнә зӱүтә малин хот белдлгъиг теткх.

Авсн даалгъвр кӱцәлгън — әмтнә бәәдллә залгъл-дата. Тер учрар бидн, теднә төлә полевой стансар сән культури бәәдл-джиргъл бӱрдәгъад, кӧдлдг газртн әдниг концертәр, кинофильмсәр, әдлврин әрки кергтә әд-таврар теткнәвдн.

Тәрә хуралгъи ахр болзгт болн геелт угагъар не- хин төлә, буудя белдлгънә госу- дарственн зураг болз- гасн урд нӱцәхин төлә социалистическ дӧрлдә бргәр делгрүлтн гидж Ставрополин селәнә эдл-ахун цуг нӱч- кӧлсчнрүр дуудвр неджәнәвдн.

Энӱгәрн бидн советск олт-әмтнә бәәдл-джиргъл бӧдлүләд, мана Тӧрскниг улм байджагъад, улм кӱч авхулад, цуг делкәд ни-тӧвкнӱ бәәлгъ хадгъллгъна крегт нертә демән тәвхвдн.

Дуудвр района колхозмудар, совхозмудар болн РТС кегдсн хургудт зӧвчлгддн кӱүндгәв.